

Sigle: M

Aufbewahrungsort: Bayerische Staatsbibliothek München

Signatur: Clm 23371

[126v,04]Daz ift Anfhelmus Deutze

Sand Anfhelm der pat vnfer vrowē vō himelreich lan=
ge zeit. mit grozzer gier. mit vaften vñ mit wachen
Vnd mit andechtigem gepet. Vñ mit h^ztzenleichen
trechten. Daz fi im chund#têt. i^rs aingepornes chindes mar=
ter. Wie ez vō dem anegege ergienge. Vntz an daz ende.
Vñ do er des lange het gepeten. do wart er gew^t. Do
erfchain im vnfer vrowe ze|einem mal. vñ sprach. z^v
im Anfhelme. Mein liewes chind. hat als manichvaltige
vñ als grozze marter erliten. Daz ez niement vollechliche
gefagen chan Die ougen müzzen mit feinen zechern
des h^ztzen pitt^tchait erwainen. Ich pin auer fo grōzleich
gehochet. mit meinem chind. Vber allez himelifches
her. Vñ vber die creatur. die got îe pefchûf. So en
mag ich noch en|fchol nicht mer wainen. Vñ dar#nach
allz du mich frageft. da#nach fag ich d^r wie ez ergie.
Sand Anfhelm waz vō h^ztzen vro. Vñ sp^rch fag m^r lie=
weu vrow. wie waz d^r aneuanch der marter deines
liewen chindes ¶ Vnfer vrowe sprach. Do mein chind
hiet geezzen. mit feinen Iungern. Vor feiner marter.
daz iungift mal. Vñ daz fi vō dem tifche ouf#ftunden.
Do giensch Iudas fcarioth. z^v den furften der Iuden.
Vñ chom eines gedinges mit in en#ain. So wold er
mein chind v^rraten. Die Iuden warē des gedinges vrō.
Vñ gaben im dreizich phēnīg ¶ Do sprach fand Anfhe=
lm. Sag m^r lieweu vrow welher#hand phennīg waz
daz ¶ Und vn^r vrowe sp^rch. Si warn yfmahelite ge=
haizzen. Do yosepen feine pruder v^rchauften vmb dr=
eizich phēnīg. Do chauften in ainer#hand leut. die
haizzen yfmahelite. Vñ wil d^r fagen war#vmb fi
also waren gehaizzen. Da#vō die phēnige den namen
habent. Vñ chauften in vmb dreizich phēnige. Vnd

[127r,01]die Iuden. den di phennig wurden zetail. Die behieltē
feu für ein erbefchaft. Vnd liezzen z̄v einem iegleichē
geflecht fein nach#chomen. Wol vber vier#taufent Iar
Wand fi waren teuwer. Vñ chofper. Vñ di Iuden waren
dat||z Ierufalem di daz güt heten. vō der erbefchaft. Di
waren meinē chind allo veint. Swie lang fi güt heten
gehabt. Vñ fwie lieb ez in was. So gaben fi iudas die(=)
felben phennig. Wand er was also geitig. do er die|phē=
nige an#fach. Do gevielen fi im fo wol. Daz er mein chind
dar#vmb gab. Swie oft er in êe gewarnt het ¶ Sand
anhelm sprach. Sag mir vrow. w̄ du da pei deinem lie=
ben chind ¶ Vnfer vrowe sprach. Nain ich Anhelme
Wizze do mein chind het gezzen mit feinen iungern.
Vñ in die fūzze het gewafchen. Vñ in feinen heiligen
leichnam het gegeben. Vnd in fūzze p̄diget. Vñ|Iudas
vō im was gegangen z̄v den Iuden. Do giench mein
chind mit feinen iungern. Ab dem perg fyon. Auz der
ftat z̄v dem tōr auz. daz da haizzet daz guldein tōr. zū
einem prunne. der hiez fyloe. pei dem was ein gart.
da waz er êe dicke in gegangen. mit feinen iungern.
Vnd vnder dem perg ol̄yueti. Hiez er fein iunḡ peitē
Vñ gie vō in. in ein ekke ouf den perch ol̄yueti. wol
fo verre. fam man ein ftain mit ainer hant gewerfen
mach. Vnd viel nider ouf feineu chnie. Vñ anpetacht
fein vater vō himelreich. Vñ sprach. Exaudi. m. d.
.q. b. ē. m. t. Daz sprichet h̄re erhōr mich. Wand du
pift genaden reich. Vnd got fiech mich an. nach der
manichualtichait deiner parmhertzichait. Ne|aūtas
fa. t. a|me. Daz sprichet h̄re cher dein antlutze nicht
vō deinem chind. Wand ich pin in grozzen forgen. da(=)
von hilf mir pald. ¶ Sand Anhelm sprach. sag mir
vrowe war#vmb pat er do ¶ Vnfer vrowe spr̄ch. daz
tet er vmb dreierhand fache. ¶ Die erft fache ift. Daz
er gar zarter natur was. Vñ ich in gar zertleich ge=
zogen het. Vñ daz er einer magt chind waz. Da vō#tēt
im fein marter vil defter wiers ¶ Die and̄r fache was.

[127v,01]Daz in fein grozz traurichait vñ varicht het bedwungen.

Daz im der plütig fwaiz. auz allen feinen gliden dranch.
Daz er ouf die erde floez. Vñ da#vō wand er d' war got
was. Der elleu dinch wol weft. Do weft er ouch alle
fein marter vor wie fein gespot fchold w'den. Vñ ange=
fpeit. geftozzen vnd geflagen. Vñ wie im|mit valfche
fchold w'den v'tailt. Vñ lefterleich fold fterben an dem
chreutz. Vñ daz er vō iegleicher marter fmertzen vnd
pitt'chait fchold leiden. Vñ wand er daz wol weft alles
vor. da#vō pat er. Wand wie ein diep waiz. daz er fter=
ben müz. So im wirt v'tailt. So enphindet er doch nicht
des fmertzen ~~alles vor der marter~~ êe daz man in hach.
an daz fail. Do enphant mein liebes chind des fmertzen
alles. vor der marter. di er leiden wold. ¶ Die dritt fache
was. Daz er weft. daz die iuden dehain parmh'tzichait
vber in mochten gewinnen. Vñ do er do fein vat' pat.
Ob ez mecht gefein. Daz er in der mart' vber#hüb. Vnd
doch feinen willen nicht an#feche. nür er ervollet feinē
vat'leichen willen. Do fand im fein vat' vō himel einen
engel. der in ftercht. Vñ sprach z'v im. Wis velt vñ ftarch
Wand dv lofen fcholt. Alles menfchleich geflecht. Da(=
nach ftünd er ouf vñ giench z'v feinen iungern. Da
warn fi entflaffen. vor rechtem laid vnd vor vberiger
traurichait. Do fpr̃ch er zv in mocht ir ein weil mit
mır nicht gewachen. Secht ir nicht. er nechent vil
pald her#z'v. Der mich hin wil geben. Vnd zehant
chom Iudas mit einer grozzen fchar. Do er nachen
hin zv chom. Do sprach er z'v den iuden. Ir find zwen
gar gleich an#ein#ander. Iefus vñ Iacobus fein' mūmen
fūn. Den man haizzet feinen brūder. Vñ mag man ainen
von dem and'n chom iemen erchennen. Da#vō wil ich
ev ein zaichen geben. Wen ich chuffe d' ift ez. den habt
vaft. Vñ fūrt in gewerleich. Vnd do er do nachen be=
gund. Do giench mein chind gegen in. Vñ fpr̃ch wen
fūcht ir Si fprachen Iefum Nazarenū. Do fpr̃ch mein
chind ich pin||s. Do viellen fi alle hinder fich. Vñ vielen

[128r,01]ouf daz erdreich. Do sprach er auer. Seit ir mich fucht
 So lat die gen. die mit mir find. Daz die geschrift er(=)
 fullet werd. Qs dedisti m̄ nō pdidi ex eis q̄ q̄m. Die du
 mir haft gegeben. der han ich dehain verlorn. Vnd do
 er daz sprach. Do giench Iudas z̄v̄ meinem chind v̄n̄
 chuft in an feinen mund. Da sprach mein chind z̄v̄ im.
 Wil du des menschen chind in den tōd geben. mit dem chuf=
 fe. Vnd zehant viengen si mein chind. Do zoch fand pe=¹
 ter sein fwert ouz. v̄n̄ flūg des oberiften chnecht. daz
 recht ōr ab ¶ Do spr̄ch fand Anshelm. Sag mir vrowe
 geschach dehain zaichen. an sein^z vanchnuffē. ¶ Mein
 chind pot sein hant dar. V̄n̄ ruert sein ōr. V̄n̄ macht
 ez zehant gefunt. V̄n̄ spr̄ch. z̄v̄ fand pet^z. Stozz dein fwe=
 rt in ~~dein~~ die schaid. Wand alle die mit dem fwert le=
 ben. Die v̄derbent ouch mit dem fw^zt. Oder wenft dv
 nicht. Daz ich meinen vat^z mecht erpitten. Daz er mir
 fand zwelf engel#schar. V̄n̄ zehant fluchen die iung^z
 von im ¶ Sand Anshelm spr̄ch. Sag mir raineu vrowe
 wer dv auch pei im ¶ Vnfer vrowe spr̄ch. nain ich. ¶
 Sand Anshelm spr̄ch. War#vm liez dv daz. V̄n̄ er dir doch
 so h^ztzen lieb was ¶ Vnfer vrowe spr̄ch. Ez was nacht
 V̄n̄ waz ez nicht pilleich. Daz iunge vrowē an d^z ftrazze
 giengen. ¶ Sand Anshelm spr̄ch Nv fag mir zarteu
 vrowe wo wer du do. ¶ Ich was in mein^z fwest^z hous
 Iohannes meines chindes mūmen sūn. ¶ Sand anfl̄.
 spr̄ch wer was des pot d^z dir div mer fagt. Wie ez vm
 dein chind ergangen was wer ¶ Vnfer vrowe spr̄ch
 Do chomen die iunger alle mit grozzem geschrai. V̄n̄
 vnmeffen laidichleich. V̄n̄ sprachen z̄v̄ mir. Owe
 liebeu mūt^z vnd vrowe. Dein h^ztzen#liebes chind. V̄n̄
 dein ainpornes vn^z lieber maifter. der ist gefangen.
 Vnd ist vō vns gefueret gepunden. V̄n̄ wizen nicht
 wo er hin#gefūrt ist. Oder ob er erflagen ist ¶ Sand
 Anshelm sprach. Nv fag mir liebeu vrowe. Wie was
 dein vngemach v̄n̄ deines h^ztzen nōt ¶ Vn^z vrowe

¹ Marginalie am rechten Rand: h̄ capt⁹ ē x̄.

sprach. Swie wol ich weft. daz menschlich natur mit
 [128v,01]im schold erloset w^uden. Doch vō m^uterlicher natur vnd
 lieb Do gieng S^ymeons f^wt durch mein h^utz. als er
 mⁱr het gefait. Do er mein chind erplich in dem t^epel. ¶ Do
 spr^ach fand Anshelm. Zarteu vrowe wo wart dein chind
 hin#gef^urt ¶ Vnfer vrowe spr^ach. Auz dem gartē do
 er inne gevangen wart. Durch ein tal daz haizzet
 Iosaphat. zeJerusalem in durch daz guldein t^or. Da er
 ouch durch was auz#gegangen in einen palaft. Der
 fr^und pei des f^urften hous. D^u da hies Annas. Do en=
 zunten si ein feu^u. Da chomen die alten. Vn di schreiw^u
 vn di pharisei. Vn befamten sich alle in dem palaft.
 Do fragt d^u f^urt Annas vil vō feinen iung^un. Vn vō fein^u
 lere. Do antw^urt mein chind. Vn spr^ach. Ich han offentlich
 d^u werlt gep^udiget. in d^u synagoga. Vn geleret alle
 zeit in dem tempel. Da die iuden alle zefamen chomen.
 Vnd han nicht v^uporgenleich geredet. wes fragft dv
 mich. frag fein die ez geh^urt habent. Di wizen ez wol
 Daz ich in han gefait Do mein chind daz het geredet
 mit dem f^urften Annas. Do fl^ug in ein vnechtig^u man
 des f^urften an fein wange. vnparm^utzichleichen. Vn
 spr^ach du scholt dem f^urften paz antw^urtten. Do spr^ach
 mein chind gar semphtichleichen. z^u dem d^u in geflagē
 het. Han ich wol geredet war#vmb flechft dv mich
 danne. Han ich auer vbel geredet. daz erzeug. Da
²namen si in vn v^upunden im die ougen. Daz man doch
 t^ut dehainem dieb. êe daz im v^utailt werd. Vn sp^uten
 fein alle die nacht. Vn speibten im vnder fein antl^utz.
 Vnd giengen hinder in. Vn fl^ugen in ouf feinen hals.
 Vn sprachen weiffag vns. Wer dich geflagen hab.
 Nu was Iohannes zv meinem chind in daz hous ge=
 gangen. Wand der h^ure Annas er#chand in wol. Vnd nam
 Iohes. Vn f^urt in ouch in daz hous. Vn do petrus z^u d^u
 t^ur in#gie. Do spr^ach ein iunchvrowe di h^ut der t^ur z^u
 im. Du pist ouch des menschen iung^u. Do laugent petr^us

² Marginalie am linken Rand: h̄ ligati fu^unt s̄ oculi

dreiftund. Vñ fwür. Daz er nicht in erchande. Noch in nicht
hiet gefehen. zehant do ~~ehret~~ chret der han. Vñ fäch
[129r,01]mein chind Petrū gar traurich#leichen an Do gedacht pe=
trus an daz wart. Daz er im vor het gefait. Êe daz der
han zwier gechret. So haft||u mein dreiftund v'lougent.
vñ gieng ouz vñ waint gar pitt'leichen ¶ Do sp̄ch.
fand anhelm. Liebeu vrowe wo wer dv. do daz alles ge=
schach ¶ vnfer vrowe sp̄ch. Do m̄r die iunger daz
faiten. Daz er geungen wêr. Do ziternt alleu meineu
glider. vñ giench ouz palde. vñ Maria. Magd^a. mit m̄r
vnd giengen z^c dem tempel. Da#pei ftünd nachen an=
nas der furften hous. Da hort ich inne ein michel ge=
precht. Do w' ich g'n hin#in#gegangen. daz ich hiet ge=
fehen wie ez meinem chind wer ergangen. Da wold
m̄r fein niement gunnen. Do gewan mein h'tze lout'=
leicheu laid. vnd waint h'tzenleich vñ sp̄ch. Owe|h'tzē(=
liebes chind. ein spiegel mein' ougen wer geit mei=
nem haupt waffer. vñ meinen ougen prunne d' zeher.
Daz ich be#wainen vnd bechlagen müg. Daz mort daz
man an meinem chind beget. Do giench M^a magd^a. alles
vmb daz hous. Ob fi in der fund ein vensterlein. daz
fi gefehen mecht mein chind in feinen noten. di hort
Petrū meines chindes dreiftund v'laugen. Da wolt
fi v'fwunden fein vor iamer. Daz fein der fürft der
iung' aller v'lougent hat. vñ sp̄ch mit ein' iemer=
leichen ftimme. Jefus welhen ende sol dein' pitt'cha=
it not heut nemen. Oder wie fol ez dir ergan. seit
dein d' v'lougent hat. der ein fürft ift vnder allen
deinen iung'n. vnd dein freunt was. h're Iefu ich wil
dein nimmer v'lougen. Ich ftünd ouch vñ hort. Allen
den spot. vñ alle die fleg. vñ die ftözze di man im
gab. vnd daz petrus fein dreiftund v'lougent. ¶
Do fäch ich mein chind in allen mein noten an. Do ge=
dacht petrus an daz wort. daz er im fait. êe daz der
han zwir gechret. fo haft mein dreiftund v'lougent.
vñ giench ouf dem hous vnd waint pitt'leich. do

vand er Vnfer vrowen ften ~~vnder~~ vor dem hous. Do
spr̃ch ich z̃v im mit grozzem iamer. Owe pet̃ was t̃ut
[129v,01]man meinem chind. alle die nacht. Oder wo ift er Do
schrai pet̃ mit eiñ iem̃leichen ftimme. ṽn mit pitt̃n
zehern. ṽn spr̃ch zv mir. Owe libeu vrowe ṽn m̃ter
raineu. Da flecht man dein chind ṽn ftozet in an
alle parmh̃tzichait. ṽn beginnent aller#der#hand
spot mit im. so fi fein erdenchen mugen. ṽn ift fein
antl̃utz fo lefterleich ṽspeit. daz man choum erchen=
nen mag. ob ez eines menfchen antl̃utz fei. vnd do
er mir daz gefait. da floch er vnd ṽparg fich in ein(=)
en holen ftain. Der haizzet gallicant̃. vnd chom nie
her#ouz. vntz daz mein chind an dem chreutz er#ftarb.
¶ Do spr̃ch fand anfhelm. sag mir raineu magt. wie
was dir do. an deinem h̃tzen. do dv daz alles hortest
¶ vnfer vrowe spr̃ch. Do ez fr̃c was do f̃urten fi in
aus dem hous Cayphas. Do fach ich mein chind. do man
mein chind geuangen f̃urt. Do lief ich dar. recht als
ein weip. der ir chind genomen ift. vnd do fein min=
nechleiches antlutz fo gar gevnrant was. Do geha=
bt ich mich fo iem̃chleich ṽn spr̃ch z̃v im. Owe dv liebes
ṽn aingepornes chind. wie iem̃leich dein antlutz ift ge=
ftalt. des fich mein h̃tze dicke hat gefreut. fwenn ich
ez an#fach. vnd lief pald ṽn viel dar. vnd wold mein
chind haben vmb#uangen. Do wolt mir fein niement
gunnen. ṽn ftiez mich ainer hin der ander her. ṽn wart
mit pofen warten ṽn mit ftozzen ṽtriben. Do wart
der z̃v#louf ṽo den leuten fo gr̃ozz. recht als man die=
ben ṽn mordern ṽtailen wold. vnd do er f̃ur gericht
chom. da ft̃und er fam ein vnſchuldiges lempel. Daz
feinen mund nicht ouf#t̃ut. fo man ez toten wil. vnd
was fein antlutz fo lefterleich ṽspeit. ñur fam ez w̃
eines auzfetzigen antl̃utz. Dar#nach funden fi auf
in valfche gezeug. Si sprachen ~~w̃ er nicht~~ er wer
ein zeftorer der zehen gepot. vnd hiet die leut
ṽcheret mit feiner valfchen lere. Do chomen auer

zwen valfchen gezeug. vñ fprachen wir haben gehort
daz er fprach. Ich wil den tempel nider#prechen. vñ
[130r,01]wil in hin wider#machen in drin tagen. daz fprach er von
dem tempel feins leibes. da wanten feu. er fprech ez
vō dem tempel. den her salomon gemacht het. Do fpr̃ch
der piſcholf Cayphas. Sag vns ob dv feift des waren go=
tes fun. Do antwurt im mein chind. vñ fpr̃ch. Sag ich ev
ez. fo gelaubet ir mir fein nicht. Frag ich ev fo antwurt
ir mir nicht. Doch fag ich ev w'leich. Ir w't des menſchē
chind ſehent. fitzen zv der zefem fein' gotlichen chraft.
vnd chomen her wider in den wolchen des h̃mels. Do
ftünd d' piſcholf ouf. vñ zart fein gewant. vñ fpr̃ch zv
weu pedurf wir mer gezeug. Er hat doch felben v'iehen.
wes dunchet euch. Do ſchrieren ſi alle mit#ein#ander. vñ
fprachen. Er iſt des todes ſchuldich. vnd do ich die vrtail
hort. do gieng zv dem dritten mal ſymeons fw't durch
mein hertz. ¶ Sand anhelm fpr̃ch. ach raineu vrowe. wie
ergieng ez im dar#nach ¶ vfer vrowe fpr̃ch. do fūrten
ſi in gepunden hint||z dem richtē p̃ylatū. vñ chom daz vo=
lch alles. Do ſchrieren arm vñ reich alle gemain. Tolle
c̃rcifige. bis. Nim hin nim hin vñ chreutz in. vñ hūben
im ouf daz er geſprochen het. Er wer gotes fun. vñ
hiet v'poten. daz man dem chaifer dehain zins geben
ſchold. Do begund p̃ylatus fragen. vō feinē chunich=
reich. vñ fpr̃ch. piſt du||s d' iuden chunich. Do fprach
mein chind. Spricheſt dv daz vō dir felben. Od' hat dir
daz iement vō mir gefait. Do fpr̃ch p̃ylat' pin ich
danne ein iuden ge#flecht. vnd dein ebenteuwer habēt
dich mir gegeben. Was haft dv getan. Do fpr̃ch mein
chind. Mein reich iſt nicht von dirre werlt. Wer
mein reich vō diſer werlt. mein amptleut hulfen
mir. Daz ich den iuden nicht geantwurt. Do fpr̃ch p̃yla=
tus. So piſt dv doch ein chunich. Do fpr̃ch mein chind.
Du ſpricheſt ez. wan ich pin ein chunich. vñ pin ge=
pörn vñ chomen ouf daz erdreich. daz ich fei ein ge=
zeug der warhait. Wand fw' vō der warhait iſt der

horet mein ftimme. Do fp̄rch p̄ylat⁹. was ift div war=
 hait. do fwaig mein chind. v̄n wold der frag nicht
 [130v,01]antw̄rten. Wan hiet er im geantw̄rt. So hiet er fich
 leicht v̄o dem t̄od gelediget. v̄n menfleich chunne niht
 erloft. vnd do Iudas hort daz mein chind v̄dampft was
 Do genau in der chouf. v̄n gieng hin zv den f̄rften.
 v̄n gab in die ph̄n̄ige. v̄n fp̄rch z̄v in. Ich han gefund̄et.
 daz ich daz recht pl̄ut han hin#gegeben. Do fp̄rchen die
 Iuden was get vns daz an. daz gep̄uzzest dv wol. Do gien=
 ch Iudas hin. v̄n warf die dreizich ph̄n̄ig nider. v̄n gie
³hin v̄n hieng fich felben ¶ Da giengch p̄ylat⁹ z̄v den
 f̄rften. v̄n z̄v den prieff⁷n. v̄n z̄v der gemain des volches
 v̄n fp̄rch. Ich han dehain f̄ache an difem menfchen funden.
 da#mit er den t̄od v̄dient hab ¶ Die iuden fp̄rchen er
 hat die leut v̄cheret mit fein⁷ ler. v̄o Galylea. do vie
 er an vntz her ¶ v̄n do p̄ylatus hort daz er w⁷ v̄o galylea.
 da h⁷odes chunich was. do fand er mein chind z̄v
 h⁷odes daz er in gefech. wand er in der ftat waz ze ieru=
 falem. vnd h̄ort ouch fagen. daz er lang het begert
 mein chind|ze|fehen. v̄n wold fich ouch v̄fuenen mit
 h⁷odes. wand fi lange veint an#ein#ander warn gewe=
 fen. v̄n do h⁷odes mein chind gefach. do waz er gar vr̄o.
 wand er begert v̄o h⁷tzen daz er etleich zaichen v̄o im
 fech. Er fragt in vil dicke. Ob er daz chind wer. daz
 fein vat⁷ gern erflagen hiet. v̄n v̄o feinen fchulden fo
 vil chind t̄otet. do er in f̄ucht. v̄n ouch ob er der wer.
 der Lazarū lebentigen machet. v̄n ouch der vrowē
 f̄un in der ftat. Naȳm. v̄n plinden macht gefehent. v̄n
 manig⁷#hand frag. fragt er in. Do wold im mein chind
 nie wart mit#getailen. v̄n gelobt im au⁷ h⁷odes daz
 er zaichen vor im t̄et. fo wold er in lofen v̄o den iuden.
 Mein chind Iefus wold im alles nicht antw̄rten. Do
 hiez im h⁷odes ein edel chron ouf#setzen. v̄n fp̄rch. Daz
 er ein zaichen vor im t̄et. so wold er im geben fein chu=
 nechreich halbes. Mein chind fp̄rch alles nicht. Do ft̄an=

³ Marginalie am linken Rand: Iudas fe laq̄o fufp̄ndit

den die Iuden ouf. vñ fagten vil dinges ouf in. Da(=)
mit fi im vngelimpfen mochtē gemachen. vñ do h'odes
des fache. daz mein chind de#hain zaichen vor im t<u>n
[131r,01]wold. Do v'fmecht er in vnd alle fein h'ren mit im. vnd
hieze im ein weiffes gewant anlegen. vnd fand in wid'
pylato. also wart des tages h'odes vnd pylatus zelfreunt.
vñ wand pylatus weft die grozzen veintfchaft. die di
iuden heten gen meinem chind. Do uaricht er daz fi in
v'lugen. êe daz er cheme wid' vō h'odes. vñ hies berait
leut mit gen. die fein h'uten vor den iuden. vñ do mein
chind chom für pylatū Do fpr̃ch pylatus zv in. vñ rueft
den iuden allen zefamen. Ir habt m'ir difen menfchē
zv#pracht. als ein v'cherer des volches. Nv vind ich
chain fache an im. da#mit er den tōd v'fchuldiget hab.
in aller der chlage da#mit ir im v'taillet. Noch der chu=
nich h'odes vindet auch dehain fache an im. Ich wil in
zuchtigen vñ wil in danne lazzen. Do fchriren die
iuden alle vaft. daz er in Barraban gebe. Der was
ein fchacher vñ was gevangen vmb manflacht.
vñ mein chind hiezzen feu chreutzen ¶ Do sprach
pylatus zv dem dritten mal. Ich vind dehain fchuld
an im. Ich wil in h'tzenleichen fragen. vñ wil in danne
lazzen. Do fchriren die iuden auer Crucifige bis.
vnd do pylatus an dem gericht fas. Do fand fein houf=
vrowe zv im an daz gericht. vñ fpr̃ch. Du haft nicht
zefchaffē mit difem rechten menfchen. Ich han heint
in difer nacht. vil vō im geliten in dem flaffe ¶ Do⁴
gedacht pylatus vil. wie er der iuden fraidichait ge=
ftillen mecht. vñ hiez mein chind nakchte ab#ziehen.⁵
vñ hiez ez flahen als fere. daz vō der fchaitel vntz auf
die fūzze nicht gantzes an im was. Nv was deu feuel als
grōz. da er an#ge#punden was. daz im wol vmb ein fpanne
gepraft. Daz er fei nicht mocht vmb#greifen. Do namē
fi ftarch riemen. vñ punden im die an fein hend. vñ

⁴ Marginalie am rechten Rand: Duct⁹ ad colū(=)nam.

⁵ Marginalie am rechten Rand: flagellat

zugen im die arm zefamen. vñ flügen in fo fere. Daz
 in einer chlainen ftund. Daz plüt. feinen zartē leib
 vb⁷#gōz. Daz er recht was als ein rotes feidein tūch.
 hiet an#gelegt. vnd der amplich feines leibes. was
 nicht anders. nūr fam der eines gevilten menfchen
 [131v,01] ⁶anfeche. dar#nach enpande in pylatus richt⁷ ainer vō
 dem failen. vnd leiten im ein tūch an. von edelem purper
 vñ flachten ein chron. vñ fatzten im die⁷ auf. vñ chnietē
 für in. vnd fp⁸rchen wiz gegrūzzet. ein chunich d⁷ iuden.
 vñ fluegen in an fein wang. vnd ouf fein haupt. vnd die
 chrōn die im h⁷odes ouf#fatzt. ~~Die hat d⁷ Chunich vō Franch-~~
~~reich. vñ die felben chron.~~ mit der#felben chrōn chronet
 man noch. alle Romische chunige. vnd die dūrnein chron
 die im pylat⁹ ouf#fatzt. die hat d⁷ chunich vō Franchreich
 vnd die#felben chrōn was nicht vō hultzein dōrn. si was
 von dem mere. vñ find die#felben dōrn fo fcherf. Daz fi
 fei meinem chind nicht mochten. mit den handen ouf(=)
 gefetzen. si müften nemen ein fchaft. do druchten fi
 im||s mit ouf fein haupt. Daz im daz plüt fein anlutz
 alles vñ fein achfel vb⁷#gōz. Do nam in pylat⁹ alfo geh=
 ronten. vñ alfo plütigen. vnd fūrt in auz für die iuden.
 mit dem feindein gewant. vñ fp⁸rch z⁷ in. secht wa
 Iefus ew⁷ chunich. vñ do fi in gefāhen. Do genūget
 feu nicht alle der fmech. die fi im puten. vñ aller
 der marter die er erliten het. si bedachten nicht. daz
 er fo manich zaichen getan hêt. vor iren ougen. Daz
 er die plinden macht gefehent. Die toren gehorent.
 Die ftummen redent. Die auzfetzigen rain. vnd die
 wazzerfuchtigen gefunt. Die lamen gen hies. Die
 tōten lebentich mocht. vñ fumf#taufent menfch fpei=
 ft. vō fūmf proten. vñ vō zwain vifchen. vnd ander
 manich grozzeu zaichen. die er vor in têt. Der heten
 fi aller v⁷gezzen. vñ fchrieren ouf in als ouf ein morder
⁸vñ fp⁸rchen crucifige. čv. bis. ¶ Do fp⁸rch pylatus. Nempt

⁶ Marginalie am linken Rand: pater nofter

⁷ Marginalie am linken Rand mit Verweiszeichen: ħ x̄ coronā

in vnd chreutzet in. nach ewer gewonhait. Do sp̄rchē
 die iuden. Man sol in tōten. nach vnf̄m recht. wand
 er gesprochen hat. Daz er gotes s̄n fei. v̄n do p̄lat⁹
 daz erhōrt. Do erschricht er vnd giench in daz recht(=
 hous. v̄n nam mein chind v̄n sp̄rch z̄v im. vō wanne pift
 du. Do wolt er im nicht antwūrten. Do sp̄rch p̄lat⁹
 waift du nicht. daz ich gewalt han dich ze|lazzen.
 [132r,01]oder ze|pehalten. v̄n wil du doch m̄r nicht antwūrten. Do
 sp̄rch mein chind. Du hetest chain gewalt vb̄ mich. Od̄ er
 wer d̄r. danne gegeben. v̄n da#vō hat er vil mer|fundē
 D̄ mich d̄r hat gegeben. denn dv. vmb die red hiet in
 p̄latus ḡn lazzen. Do schriren die iuden alle. mit groz(=
 zem zorn. v̄n sp̄rchen zv im. Wil dv den lan. so pift dv
 des chaiff̄er freunt nicht. v̄n do p̄latus daz hōrt. daz
 fi im drotten an sein h̄ren den chaifer ¶ Do nam er⁹
 waffer. vnd w̄sch sein hende. vnd sp̄rch z̄v in allen. Ich
 pin vnschuldich. an des rechten menschen plūt ¶ Do
 schriren die iuden alle vnd sp̄rchen. sein plūt chōm
 vber vns vnd vber vnfereu chind. v̄n schriren îe
 v̄n îe mer. Daz er in h̄ezze chreutzen ¶ Do gefigtē
 di iuden p̄lato dem richt̄. Do er sp̄rch îr wille fold.
 ergan. vnd liezze Barraban durch daz ofter#recht¹⁰
 vnd gab vrtail vber mein chind. v̄n sp̄rch. Ich vrtail
 vber Iesum Nazarenū. Daz man in totte. lesterleiches
 todes an dem chreutz. ¶ Sand anhelm sp̄rch. Owe
 lieweu vrowe. wie waz deinem h̄tzen. do du difeu
 vrtail hortest ¶ vnser vrowe sp̄rch. si namen mein
 liewes chind. v̄n f̄rten in auz. da fi in chreutzen wol(=
 den. vnd legten im daz chreutz ouf sein rukke. v̄n
 giench s̄ymeons fw̄t. z̄v dem vierden mal. in mein
 h̄tze. v̄n in mein fel. vil mere dann ob div vrtail
 vber mich gegeben wer. Ez was ouch daz chreutz¹¹

⁸ Marginalie am linken Rand: C̄rcifigať.

⁹ Marginalie am rechten Rand: p̄lat⁹ lauat man⁹

¹⁰ Marginalie am rechten Rand: ĩ̄ dať f̄ma mortis ei⁹

¹¹ Marginalie am rechten Rand: ftaťa c̄rcis

fumfzehen ſchůch lanch. Do er alle die nacht vñ
 allen den tag. ſo grózz nót vñ arbeit erlitten het.
 daz er daz chreutz nicht mocht getr̃gen. Do ge=
 wunnen ſi ein andern. der hiez ſýmeon. d̃ pe#chom
 im ouf dem weg. Daz er meinem liewen chind. daz
 chreutz nach#trueg. vnd daz taten feu von chainer
 parmynge nicht. Nŭr daz ſi fāhen daz er daz chre=
 utz. vor chranchait nicht mocht getr̃gen. ¶ ſand¹²
 anſhelm ſp̃rch. giench im icht vil leut nach ¶ vñ
 vrowe ſp̃rch. Ia im lief nach arm vñ reich weib vñ
 [132v,01]man. vnd chind. vñ vil vrowen. die in pitt^uleichen chla(=
 gten. Vnd fere wainten. Im giench vil leut nach. die
 ouf in ſchřiren. als auf ein dieb. den man z̃v dem gal=
 gen fŭrt. Ez lieffen ouch die chind dar. vñ wŭrfen
 hōr ouf ſein anlutz. vñ ouf ſein houpt. vñ an ſein wa=
 ng. Do chert ſich mein chind gegen den vrowē. Die
 da mit warn gegangen. mit grozzem laid. vnd mit
 grozzem wainen. vñ ſp̃rch z̃v in. Ir tochter vō ieru=
 ſalem. waint nicht vb^u mich. waint vb^u euch. vñ vber
 ewereu chind. die daz hōr vñ die ſtain auf mich w^u=
 fent. vñ nicht wizzen ob ſi recht. od^u vnrecht tŭnt
 wand ez choment noch die tag. daz feu w^udent ſpre=
 chent. Selich ſind die leib die nie chind getrŭgen.
 selich ſind die peuch. di nie gefānten. ſi w^udent
 ouch z̃v den pergen ſprechent. vallet ouf vns. vñ
 z̃v den pŭcheln bedechet vns. wand daz tŭnt grue=
 neu holtz. was tŭnt danne die durren. als er geſp̃r=
 ochen hiet. da m̃r diſeu chind ſo getan laſt^u erpie=
 tent in ĩr chinthait. was tŭnt ſi danne ſo feu an ĩr
 alter choment ¶ Man fŭrt ouch zwen ſchacher mit
¹³im auz. daz teten ſi im z̃v einem fund^un laſter. vñ do
 man in ouz#fŭrt. mit den ſchachern. dat||z dem tōr Do
 wart daz gedranch ſo grózz. vō den leuten die im
 nach#liefen. vñ ſein ſpotten. daz ich zv im nicht cho=

¹² Marginalie am rechten Rand: ĩ duč ad čřcifigendŭ.

¹³ Marginalie am linken Rand: latřnes ducŭ ad čřcifigendŭ.

men macht ¶ Do wart ich vñ Maria magd^a ze|rat
 daz wîr lieffen in ein and^r gazzen . vñ do wîr cho=
 men z^v einem prunne. da bechom vns mein chind
 vnd was so iem^rleich gefalt an feinem antlutze.
 wer er mein chind nicht gewesen. ich hiet in chaum
 erchant. si heten im fein hende zefamme gepunden.
 vñ f^rürten in gar vngezogenleichen. vnd do er
 mich erfach. an dem weg ften vor im. Do naig er
 fein houpt gegen mîr. vñ f^râch. Ich danch dir all^r
 d^r lieb. vñ daz dv den tempel meines leibes als gar
 zertleich mit deiner arm#mût erzogen haft. vnd
 mit deiner arbeit. vñ mich in allen meinen nôton
 [133r,01]nie v^rliezzet. du hulfeft mîr gⁿ ob dv mechteft. vñ laufest
 mîr noch nach. Wie v^rfmecht ich pin. aller der werlt. vñ do
 fi in prachten an die ftat. Die da haizzet Caluarie da
 mart^rachten fi in. vnd die zwen fchacher. vñ hiengen
 ainen z^v der rechten hant. den and^rn z^v der tenken hant
 vnd mein chind en#mitten. ¶ sand anhelm sprach. sag
 mîr libeu vrowe wie teten fi im do. ¶ vn^r vrowe f^râch.
 anhelme h^r gar chlegleicheu|mer. daz doch dehain¹⁴
 ewngelift fchreibet. Do fi chomen an die ftat Caluarie
 do zvgen fi im ab. alles fein gewant. daz ein vadem an
 feinem leib nicht belaib. Do erftarb mein h^rtz. do fi im.
 daz gr^ozz lafter er#puten. vnd giench dar#vmb erfch(=
 rochenleich. vnd an|fchant. vñ z^och ein t^uch ab meinē
 houpt. vnd pant daz vmb fein leip Nv was d^r flech
 so vnrain. da fi in hieten ge#f^rürt Caluarie vñ was
 so gar v^rfmecht. Daz man pofar ftat. nicht funden
 mecht haben. Man fchant da hunt vñ fchebn. vnd
 hiengen da dieb. vnd morder. vnd waz d^r gefmach
 als gr^ozz. daz in chaum ~~iemer~~ erleiden mocht. vñ
 an dirre vn#rain ftat. legten fi daz chreutz nider.
 ouf die erden. vnd legten mein chind ruklinge dar
 auf. vñ nageltē im die ainen hant. an daz chreutz.¹⁵

¹⁴ Marginalie am rechten Rand: spoliãt x̄

¹⁵ Marginalie am rechten Rand: h̄ x̄ c̄rc̄figit̄

vnd was der nagel fo grózz. daz er die wunten
fo fere ervolt. Daz ein plút trophe dar#ouz nicht
mocht chomen. vnd namen fail vñ punden im die
andʳn hant. als vaft. daz die gelider auz#ein#ander
giengen. Der nagel was ouch als grózz. den fi im
durch die andʳn hant fluegen. daz er die wunden
als fere er#fullet daz ein plútes#troph dar#auz nicht
gie. Da#nach namen fi ftarchev fail. vnd punden
im die fűzze. vñ zugen in als fere. daz div gefchrift
erfullet ward. Die an dem salter ift. Dinuʳauert
ꝛcʳ. si heten in als fere gefpannen. Daz de#hain
gelid was an feinem leib. man hiet ez fundʳlichen
wol gezelt. durch fein hout. vñ do fi in alfo gefpantē.
[133v,01]do fatzten fi im ain fűzz auf den andʳn. vñ fluegē im
do einen nagel. durch paid fűzz. Der was auch alfo
grózz. daz im daz plút. auch nicht her#auz mocht ge=
fliezzen. von dʳ grozze des nagels. vñ do ich die grozzē
hamerfleg hört. Do was die weifhait erwelt an
mīr die der dauit ſpricht an dem salter. audi filia
ꝛ vide. Recht als er zʳ mīr ſprech. hör tochter die
pittʳleichen hamerfleg. vñ ſich die manichualtige
nót. die ich leid an meinen henden. vñ an meinen
fűzzen. vñ an allen meinem leib. vnd do ich die grozzē
hamerfleg erhört. do gieng ſymeons fwʳt. zʳ dem
fumften mal. durch mein hʳtz. Do namen fi daz chre=
utz fo hoch. daz ich mit meinen henden meines chin=
des fűzz nicht an#gerueren macht. Owe des iemʳ=
leichen anpliches. den ich ſach. wie vngeleich er
do was. do ich fein genas. vnd do ich fein chindleich
antlutz an#ſach. vnd do er auf#gerichtet was.
an dem chreutz. vñ do er begund hangen. von der
fwere feines hailigen leibes. Do praften im die
wunden auf an den fűzzen vñ an den henden. vnd
ran daz plút fo fere vō im. als ez vō vier prunnē
auz#gieng. Nv het ich ein gewant an. als do ge=
wonhait was in dem land. daz vrowen trügen. daz

gewant daz was also gemacht. daz ez daz haupt
 vñ den leip allen bedacht. vñ weizz als ein fnê.
 vnd daz#felb gewant. was alles rôt vō feinē plût
 daz auf mich ran. ¶ sand anhelm spr̃ch. Owe
 raineu vrowe wie er#giench ez do. ¶ vn̄ vrowe
¹⁶ spr̃ch. Do si in gechreutzten. do tailten si fein ge=
 want. vnd^r#einander. do het mein chind einen rōch
 den wolten si nicht prechen. wand er gantz ift.
 wir schullen ein lozz w̄fen. welchem er also gantzer
 werd. daz geschach alles dar#vmb. Daz die gefchr=
 ift erfüllet würd. als an dem salter der weifag
 sprach. Diuiferūt sibi vesti ꝛc̄. <S>ein gewant
 habent si in getailt. vñ habent ein lôzz gewarfen
 [134r,01]auf mein chlaider. vñ dar#nach schriben die pylatus
 leut auf daz chreutz. mit dreier#lai spr̃ch. Chriechisch.¹⁷
 Ebrayfch. vñ Latein. Iesus. n. r. iu. Daz mūt die iuden
 vnd spr̃chen. war#vmb haizzeft dv in d̄ iuden chunich. Du
 scholdest haben geschriben. daz er hiet gesprochen er
 wer der iuden chunich ¶ Do giengen si alle für daz chre=
 utz. vñ wûrfen ir haupt gegen im. auf gar spōtleichē
 vnd spr̃chen. secht an. daz ift der. der den tempel wolt
 zeprochen haben. vñ in drein tagen wold wid̄#machen. seift=
 dv gotes sun so ging her#ab. ab dem chreutz. vñ behalt
 dich vnd vns. Do sprachen die fürsten der iuden. vnd
 di schreiber. vñ di alten gar spōtleich. And̄n leutē hat
 er geholfen. vñ chan im selben nicht gehelfen. Pift du||s
 der chunich vō iff̄l. so ginch ab dem chreutz. so welle
 wir dir glauben. Er getraut. got d̄ helf im. auch ob
 er welle. wand er spr̃ch. daz er gotes sun were ¶ sand
 anhelm spr̃ch. Lieweu vrowe. do man fein also spottet.
 spr̃ch er icht da wider. ¶ vn̄fer vrowe spr̃ch. Er pat¹⁸
 vmb feu vñ spr̃ch. vater vergib in. wand si nicht wizzent
 was si tũnt. ¶ Do ftũnd auch gemain volch. vñ spotacht

¹⁶ Marginalie am linken Rand: d̄ vesti⁹ <x̄>

¹⁷ Marginalie am rechten Rand: d̄ tytulo c̄rcis

¹⁸ Marginalie am rechten Rand: h̄ rogat x̄ p̄ ūi(=)micis

fein. vñ piten wie ez ende nem. do mocht er wol gefpr=
 ochen haben z^v m^r. Tocht^u h^or die grozzen fl^uch#wart.
 vñ fiech die chrefligen n^ot. Ich waiz daz wol. Daz
 dv mich enphieng. v^o dem heilig^e gaift. vnd mich
 truege. vnd geperd magt wesen. vñ m^uter. vñ daz
 dv mich zertleich haft gefpeifet. Mit dein^u magtleich^e
 milich. vnd daz du mich lieplichen vñ mⁱnechleichen er=
 zugde. vñ daz dv m^r allezeit mit trⁱwen nach#gieng. Da
 v^o fchullen dife nicht an mich glauben. daz ich gotes f^un
 fei. vrowe zarteu m^uter. so glaub au^u du. vñ hab par=
 munge vber mich. Do giench S^ymeons fw^ut z^v dem sechf=
 ten mal durch mich. ¶ vñ dannoch mocht er in allen¹⁹
 feinen noten. fpottes v^o dem fchacher nicht hin#chomen.
 Der ain d^u z^v d^u tenken hant hiench. D^u f^rch in fpotte. seift
 dv chrift. fo behalt dich vñ vns. Do antw^urt im fein ge=
 felle der fchacher. furichtest dv nicht got. vñ dv doch
 [134v,01]in der#felben v^udampnuffe pift. auer w^r enphachen pilleich
 vñ v^o fchulden. daz man vns t^ut. so hat dife nie chain vbel
 getan. vnd do er feinen gefellen also geftraft. Do f^rch er
 z^v meinem chind. h^ure er#parm dich vber mich. so dv chomft
²⁰in dein reich. Do f^rch mein chind z^v im. Ich fag dir w^uleich.
 dv fcholt heut fein pei m^r in dem paradeys. ¶ sand An^rh
 f^rch. Liebeu vrowe waz t^et dv do ¶ vnfer vrowe f^rach.
 Do ft^und ich pei dem chreutz. Io^hs mein^u fweft^u f^un. vñ
 Maria Magd^a. pei m^r. vñ waren alles h^utzen#laides vol.
 Ich fach in hangen. vñ leiden gr^ozze not. vñ mocht im
 ze chainen ftaten nicht chomen. vñ do er mich in grozzem
 h^utzen#laid fach vor im stan. vñ Io^hem meiner fweft^u f^un.
 an den er vil zarter. vñ fund^uleicher lieb het geleit. auf
²¹in. wand er in lieb het. f^ur die and^un alle. Do wolt er
 mich nicht vngetroft lazzen. vnd f^rch z^v m^r. vrowe
 fiech wa dein f^un. dar#nach f^rch er z^v Io^hs fiech wa
 dein m^uter ¶ Do was ez an der fechften ftund des tages

¹⁹ Marginalie am rechten Rand: lat^r blasphemata x^pm.

²⁰ Marginalie am linken Rand: lat^r v^eiam m^uetur

²¹ Marginalie am linken Rand: Reg^mdaco m^ris

²²vñ wart ein grözze vinfster. vber alles erdreich. vntz auf die nōn. vñ do nonzeit wart ~~wartt~~. Do schrai mein chind vnd spr̃ch. hely hely Lamazabactani Mein got mein got. war#vmb haft dv mich v'lazzen ¶ Do spr̃ch ieglich' die da warn Er r̃uft helyas an wir schullen fehen. Ob er im chom vñ in lözze. Do weft mein chind wol. Daz die weiffa=gen an im ervollet was. vñ spr̃ch Mich durftet ¶ Do ²³nam ainer ein patfwam. vñ fult in vollen ezzeich vnd gal= len. vñ pot ez meinē chind ze trinchen. Daz er deft êe star= be. vnd do er den ezzeich verfūcht. Do spr̃ch er Cōfūma= tum est. Ez ist alles vol#endet. vñ spr̃ch. vater ich enphi= lich dir meinen gait in dein hende. vñ do er daz sprach. do neigt er fein houpt. Vñ schied fein gotleich fel vō ²⁴feinem hailigen leib ¶ vnd do erlasch div funne. vnd zart sich der vmbhanch enmitten enzwai in dem tēpel. vñ erschūt sich daz erdreich. vñ zer#chluben sich die ftain. vnd vollechleich der ftain. da daz chreutz inne ftünd. Der chlaub sich aller vō#ein#ander. vñ teten sich die greber auf. vñ erfunden vil heiliger leut [135r,01]vnd chomen nach ir vrtend hint||z ierusalem in die ftat. vnd liezzen sich da schouwen. ¶ Do ftünd ein h're pei dem chre= utz. der was ein centurio. vnd schold meines chindes hūten. vñ ander richt' die pylatus dar gefant het vñ do si die grözzen zaichen sahen. do erfchrichten si vil fere auer d' centurio lobt mein chind vñ spr̃ch. werleich dirre was gotes sūn. secht wie die Element sich erparment vber iren schepher. vñ wolt sich d' Iuden dehainer nie vber in er#parmen ¶ Do ftünden ouch vil vrowen die meinem chinde nach waren gegangen. vō galylea. vnd sachen ez alles. ¶ sand anhelm spr̃ch. sag mir raineu magt het dein h'tzenlaid do ein ende. ¶ vnser vrowe spr̃ch Nain ez. anhelme. hör ein chlegleich mēr. was dannoch mordes an meinem chind begangen wart. An dem tag do si in fo

²² Marginalie am linken Rand: hora .ṽj̃. teneb<r̃> fcē fūt

²³ Marginalie am linken Rand: pot' x̃

²⁴ Marginalie am linken Rand: hic mortu' est x̃pc

leſt'leichen heten getötet. der hiez paſceue. D' ſpricht
der ſtille vreitag. Do was an dem tag ſabbatū. Der da
haift d' hochzeitleich tag. den di iuden begiengen. vnd
dar#vmb daz die|leichnamen nicht hiengen. an irem oft'=
leichem tag. Da giengen die iuden z^v p^ylato vⁿ paten
in. daz er meinē chind. vnd den and'n ſchache^r. mit cholben
ir gepain ze#flahen hieze. Daz ſi deſter êe ſturben. daz
ſi auch icht hiengen. an dem oft' tag. ¶ Do hiez p^ylat'⁹
ſein richter. daz meinem chind. vⁿ den ſchachern.
ir pain zeprechen. vnd do ſi den ſchach'n paiden. ir
gepain an allem irem leib zemulden. vⁿ zeprechen.
daz ſi ſahen. daz ſi tod waren. Do wolden ſi meinem
chind alſam han getan. do was er v^o im ſelben töt. vⁿ
do ſi ſachen daz er töt was. do wolden ſi ſein gepain
nicht prechen. daz die geſchrift erfult w^urde die v^o
dem geweren Oſterlamp ſpricht. Os nō 9minuetis
ex eo. ꝛ^c. Des Oft'lampes gepain. ſchol gantzes be=
leiben. vⁿ giench ein richter hin. vnd ſtach ein grozzes
ſper meinem chinde durch ſein h'tze. vⁿ giengen v^o
der wunden zwen grözze prunne. ainer von plüt. d'
ander v^o wazzer. ¶ vnd do ich ſach. daz feu nicht ge=
nügt. aller der marter. der mein chind alſo zartes
[135v,01]erliten het. Si wolten ſich dannoch rechen. an ſeinem töttem
leib. do wart meinem h'tzen alſo we. Recht als mⁱr daz ſper
wer durch mein h'tze geftözzen. Do hiet ich g'n gewaint.
do was mein h'tze. vⁿ mein leib. vⁿ die natur ſo durre an
mⁱr worden. von wainen vⁿ v^o grozzem iam'. vⁿ arbeitē
die ich er#liten het paideu nacht vⁿ allen den tag. daz ich
ein ainigen trophen nicht mocht erzeugen. vnd was me=
in ſtimme. Als gar an mⁱr erfarben. daz ich ain wart nicht
macht geſprechen. Do was S^ymeons weiſſagen an mⁱr
er#fult. di da ſprach. Et tuam ipi'⁹ aⁱam p^rtrⁿf. gla. Daz die
marter meines chindes ſchold gen durch mein h'tze. vⁿ durch
mein fel. vⁿ ſneiden als ein ſw't. vnd daz ſw't ſeiner mart'
het z^v dem ſelben mal. durch#ftözzen mein h'tze. vnd mein
fel. vnd allen meinen leip. vnd do ich mein chind mit dem

mund nicht gechlagen mocht. Do sp̄rch ich mit dem h̄tzen.
 Owe zartes mein chind. Owe fūztes v̄n m̄nechliches mein
 chind. Owe lieb vor allem lieb. wa ift nu d̄ trōft. den ich
 alle mein tag. an dir han gehabt. Mōcht m̄r iement gehel=
 fen. daz ich für dich fturbe. Owe liebes mein chind. v̄n do
 fein gotleich fel. fchied vō feinem leib. da für fein fel z̄v̄
 der helle. vnd ward da grozze freud. ¶ Do er her#auz
 nam. adam v̄n alle die feinen willen heten getan. vnd be=
 flōz die helle. daz niemen dar#in chomen mag. an mit aigē
 willen. Er beflōz fei mit drein flozzen. Mit recht̄ reuwe
 vnd mit lauterr peicht. v̄n mit gewerer pūzze. vnd
 fw̄ die flōz zeprichet. der mūz imm̄ da peleiben. vnd
 mag nimm̄ da#von chomen. ¶ sand anhelm sp̄rch. sag
 m̄r liebeu vrowe. wie er#giench ez dar#nach. ¶ vnfer
 vrowe sp̄rch. Ein gūt man hiez yofeph. d̄ was von ein̄
 ftat. di hiez aramathya. Der was meines chindes haim=
 leicher iunger. wand er varicht die iuden. Der gie z̄v̄
 p̄ylato. vnd pat in. daz er im geb meines chindes leip.
 daz er in begrueb. v̄n sp̄rch zv̄ p̄ylato. Ift daz. daz dv
 nicht pald erlaubest. daz man in begrebt. so v̄ dirbet
 fein mūt̄. die ift die rainift vrowe. v̄n leutfelig ift
 die îe geporn wart. die hat als grōzze chlag v̄n iamer
 [136r,01]ame. daz si vns als fere erparmet. Daz w̄r ez chaum mu=
 gen an#gefchen. vnd vns als we#tūt. als si vnfer aigen
 mūt̄er wêr ¶ Do rūt̄ p̄ylatus dem h̄ren Centurio. vnd
 fragt in ob mein chind tōd wer. Do fait er im. daz ez tōd
 wer. v̄n fait im die zaichen die da gefchechen waren.
 ¶ Do nam p̄ylatus grōzz wunder. daz mein chind fo fchier
 tōt was. v̄n hiez yofeph daz er in ab dem chreutz nem vnd
 in begrueb nach allem feinen willen. ¶ Nv merch anf=²⁵
 helm ein chlegleich dinch. Do yofeph mein chind ab dem
 chreutz nam. Do wart ich. wenn im ein arm ledich
 wurde. Daz ich in danne enphieng. alfo enphieng ich
 ainen arm. nach dem and̄n. v̄n trucht feu an mein|h̄tz.
 v̄n chuft feu mit grozzē h̄tzen#laid ¶ v̄n do er ab

²⁵ Marginalie am rechten Rand: nō

dem chreutz wart geledigt. do legten si in ouf die erde
newen dem chreutz nider. Do lief ich hin. vñ enphie
sein houpt in mein schôzz. vñ sprâch mit grozzem h' tzen(=
laid. zartes chind. was troftes fol ich nu haben. so ich
dich toten an#lich vor mir ¶ Do chom mein chind Ioh̄s
ewngelift. vñ viel ouf sein bruft. vñ schrai mit chleg=
leicher stimme. vñ sprâch. Owe owe. auf dem hertzen
ruet ich nechten mīnechleich. vnd zertleich ob dem
tische. Owe owe auf difem h' tzen ~~tranch ich nechten~~
vnfgleich fūzzichait. Owe nu enphach ich vnſagich=
leich pitt' chait. ¶ Do chom peter. vñ chlagt mit
grozzem iamer. vñ wainen. daz er sein v' lougēt het.
¶ do chom M. Magd. vñ chlagt di ob aller chlag. vñ
viel nider für mein chind. vñ sprâch. Owe troft ob allem
troft. w' schol mich vnſchuldigen vor sýmon d' mich
ſchuldich gab. vñ mich do dein zarter mund vnſchul=
dich macht. vō allen meinen funden. Owe wer fol
nv mein v' ſprecher sein. gegen mein' fweft' da dv
mich gegen v' ſprecht. Do si dir vb' mich chlagt. Owe
d' zarten fūzz die mich nicht ftiezzen. do ich feu vmb(=
vieng. Owe d' zarten fūzz. die ich wueſch mit mei=
nen zechern. vñ dv mir sein wol gundeft. Owe zar=
te f<û>zz. di mich nicht v' ſmechten. do ich feu trunchent
[136v,01]Mit meinem har. vnd ander manigualt chlag. het si ob
meinem chind ¶ Do chom Iacob mein' fweft' fun. dem man
sprâch daz er meines chindes prūder wer. wand er was im
gar geleich. an allem ſeinem leib. vnd sprâch mit grozzer
chlag. Owe h' tzen#lieber h're. wie iſt dein wunnechleiches
antlutz ſo gar im ſelben vngeleich warden. vñ wie iſt
aller dein leib ſo iemerleich durich#martert. wand von
d' ſchaitel vntz auf die verfen. Iſt nicht vnu'fer<nidz> an
dir. Owe h' tzen#lieber h're vnd maifter. geſt' n was dein
mīnechleiches antlutz dem meinē geleich. w' mag nv
geſprechen. daz ich dein brūder ſei. wan dein antlutz
dem meinem gar vngeleich warden iſt. vñ grōzzer vnd
manig' h' tzenleichen chlag er began. Do fwür er daz er

nimmer nîchtes en#peizzen wold. mein chind er#ftünd êe
vō dem tōd. daz gefchach. daz er nie nicht geaz. noch
getranch. vntz an dem Ofertag. Do erfchain im mein
chind befund^rleich. do er an feinem gepet lag. vñ fpr̄ch
gar gūtleich z^v im. Iacob mein brūder ftand auf vnd en=
peiz. des menschen chind ift erfunden vō dem tōd. ¶
Die and^rn chomen ouch gelauffen alle mit grōzzem ge=
fchrai. vñ chlagten mit manichualtigen zechern vñ grozzē
laid. daz fi vō im gelauffen waren. vñ nicht in den tōd mit
im giengen. ¶ vnd do ich vñ die iung^r mit grōzzem iam^r
vñ laid pei ~~im fazzen~~ ein#and^r fazzen. do gefreut vns mein
chind. Mit der erften freud nach feinem tod. seit er vor
vns tōtet lag. der wart alfo wunnechleich vnd alfo
fchone. vñ als geneme. als ob er nie dehainen fmertzen.
od^r dehain wunden enphangen hiet. an die fumf zaichē
die beliben alfo gantz. vñ fo offen. die er an dem iungif=
tem tag zaigen wil. aller der werlt. Da#von gewunnē
wîr grōzze freud. vnd do man in begraben wold. do het
ich als grozzen iamer. daz ich vō im fchaiden fcholt. daz
ich in vmbevieng mit meinen mūt^rleichen arm. vñ mit
meinen chreften. vñ hiet in gⁿ gehebet. do nam mich
Io^hs. vñ wold mich vō danne fūren. Do fpr̄ch ich z^v im
Io^hes liebes mein chind. La mîr mein totes. daz ich
[137r,01]lebentiges nicht haben mag. Oder hilf mîr daz ich mit im
begraben werd. ¶ Do fpr̄ch Io^hes owe|liebeu vrowe vñ
mūter. nv wāft du wol. daz ez anders nicht mocht gefein.
Danne daz menfchleich chunne. mit deines chindes t<ō>d er=
loft mūft w^d den. vñ do er daz gefprach. Do namen fi mîr mein
chind. wid^r meinen willen. vñ truegen in z^v dem grab. vnd
do fi in dar#in gelegten. do viel ich auf daz grab. vñ hiet
and^rs nicht begert. Nûr daz man mich da lan hiet. Do
nam mich mein chind. vñ fūrt mich vō danne. Do fpr̄ch
ich mit grozzem laid. Owe Io^hs liebes mein chind. La mich
geniezzen. d^r treuw di dîr mein chind erzaiget. an fein^r
iungiften zeit. do er mich dîr gab z^v ein^r mūt^r. vñ dich
ze|einem chind mîr. vñ la mîr nicht gefchechen den ge=

walt. daz ich icht gefchaiden w^d vō meinem chind. wand
 ich wil hie gⁿ pei im paiten meines endes ¶ Do wurdē
 alle die da waren chlegleich wainent. vñ nam mich
 mein chind Ioh̄s. vb^u mein willen vñ f^urt mich in die ftat
 in mein^u fweft^u hous fein^u m^ut^u. vñ do mich die erfachē
 daz ich fo iem^uleich chom. vñ daz alles mein gewant rōt
 waz. vō dem plūt. Daz vō meines chindes wunden auf
 mich geflozzen was. do ich vnd^u dem chreutz ft^und. Do
 heten fi grozze parmunge vb^u mich. vñ sp^rchen Owe
 gewalt ift in dirre ftat heut gefchechen. an difer wun=
 nechleichen vrowen. vñ an irem rainen chind. alfo
 belaib ich in mein^u fweft^u hous. vnd vor grozzē h^utzenlich=
 em laid hēt ich dehain chraft. so ich faz fo wolt m^r
 fein geproften. so ich auf#ft^und. so viel ich wid^u nider.
 so ich lag fo was mein h^utz pei meinem chind vñ pei
 dem grab. vñ wer gⁿ ouf#gestanden. so en mocht ich
 nicht. vor recht^u chranhait. vnd vō h^utzenlichem
 laid ¶ Ich waint vñ het grozzen iamer. paideu tag
 vñ nacht. vñ mocht mich mein liebes chind Iohānes
 nicht getroften. noch mein fweft^u. noch M^a. mag^d. di
 vō meines chindes ~~leib~~ lieb pei m^r was. Mich chunden
 alle mein freunt. Noch alle die. di mich fachen. nicht
 getroften. vñ w^urdeu div wort an m^r d^ufullet
 [137v,01]di Ie^u mias lange vor geweifagt vō m^r hēt plorans plorai
 ī nocte ⁊ lacrⁱme ei⁹ in maxillis eius. si waint tag vñ nacht
 daz die zeher waren an iren wangen. vñ mocht fei
 niement getroften. vnder allen iren freuntē. ¶ owe
 anhelme hōr ein h^utzen#laid. daz sich h^ub an m^r. do mein
 fwefter vñ M^a mag^d. sich beraitten mit edeler falben.
 vñ wolden gen zū dem grab. daz fi mein chind befalbtē.
 vnd do fi giengen. do m^uft ich beleiben in dem hous
 vor rechter chranhait. Daz tēt m^r alfo we. daz ez
 vnfeleich ift. wand ich mit dem leib dar nicht chomē
 macht. doch was mein v^uferetz h^utze alle zeit pei im
 vnd gedacht an fein zartes antlutze. daz ich fo diche
 het froleichen an#gefēhen. vñ an fein f^uzzeu wort. di

von feinem munde diche waren geflozen. vnd wie
er v̄raten wart. v̄o feinen freunden. vnd was er|fleg
vnd ft̄ozze v̄n ſpottes enphangen het. Do er gefürt
wart in des piſcholfes hous. v̄n daz fein der fürft pe(=
trus v̄laugent. v̄n do er vor gericht ft̄ünd. welich
geſchrai auf in was vnd wie fein geſpottet ward
vor h̄odes. vnd wie vngezogenleich. v̄n wie leſt̄leich
er mit den mordern ouz#ge#fürt wart. v̄n wie im
feineu chlaider. ab#gezogen w̄rden. v̄n an die grozzē
hamer#fleg. do im die nagel geflagen w̄rden durch
fein hend. vnd durch fein f̄üzze. an daz chreutz. vnd
er getrenchet ward mit wein. der was gemiſchet
mit gallen. vnd do er mit gr̄ozzer ftimme ſchrai.
Mich durftet nach menſchlichem hail. Daz im do
ezzeich zeltrichen wart gegeben. vnd daz feu nicht
genuegt feines. grimmē v̄n pitt̄n todes. ſi rechen ſich
an feinem t̄oten leib. vnd ftachen im ein ſper in fein
ſeiten. ¶ vnd do ich daz alles bedacht. Do ſpr̄ch ich
mit iemerleicher ftimme. Owe m̄nechleicher v̄n
f̄üzzet Ieſus. Got v̄n ſchepher. v̄n h̄re aller cr̄atur.
wie recht pitt̄leich. du von den Iuden ert̄ötet piſt
Durch des willen. Daz dv die menſchait von mir
deiner d̄iren nem. ¶ O werder den chain himel.
[138r,01]noch daz erdreich. noch daz mer. noch ab#grunde. nicht
begreifen mag. der leit beflozen in einem ftain. ¶
owe v̄o dem alle creatur lebent. v̄n die Element.
ir frucht habent. v̄n ir ſchein. v̄n v̄o dem die t̄oten
lebentich w̄dent. V̄n d̄ die engel hat beſchaffen.
Vnd der alles liecht. hat gemachet d̄|leit in d̄ vinf̄t̄
v̄flozen. in einem grab. ¶ Owe d̄ ewig vnd der vn=
t̄ödlich got. der dar#vmb menſch ward. Daz er den
v̄loren menſchen wider#precht. Der macht feiner
chinthait nicht geniezzen. Do er lag an mein̄t̄ pruft.
vnd der begert. In fuecht h̄odes daz er in erſteche.
¶ Owe wie vnſchuldichleichen di habent enphangē
durch d̄ willen er auf daz erdreich chom. v̄n gotleich

mit in wandelt. vñ die tóten er#chuchte. vnd di fie=
chen gefunt macht. vñ alle zeit gúteu werich er=
zeugt. vñ do ich in difer grozzen chlag was.vñ mein
fwefter. vnd M.^aMagd.^a mein chind fúchten. vñ mich in
dem hous heten gelazzen. wand ich in nicht mocht gevol=
gen. z^v dem grab. ¶ Do chom mein chind mit alfo
grozzer herfchaft. vñ vnfegleicher freud. vnd was
fein antlutz. vñ aller fein leib fo wunnechleich. vnd
als fchon. vñ durch#leuchtig. als der weifag fpricht
Speciofus forma p̄ filiis hō^m. Ez was d^r fchonist aller
menfchen chind. vñ do er m^r fo gewaltichleich. vnd
mit fo grozzer herfchaft. vñ chlarhait erfchain. Do
fach er mich fo mⁿechleich. vñ fo gútleich an. Daz ich
alles meines h^tzen laides v^gaz. Des ich îe von im ge=
wan. vñ gruezt mich liebleich. vñ zertleich. vñ f^prch
z^v m^r. ¶ Wis gegrúzzet mⁿechleicheu fúzzeu m^ut^t
vnd magt. gefegent vnder allen vrowen. La dein
grózzeu chlag. wand dein chind erftandē ift. vō dem
tóde. Da vō la deinen grozzen iamer. vñ dein múzzigeu
pitt^thait. ¶ Zehant do viel ich nider vnd chuft
fein fúzze. vnd f^prach z^v im. Ein ewiger fún des vat^t
vō himelreich. vñ mein zartes chind. Ich lob dich daz
du menfchleich chunne. mit deinem tode. vnd mit
[138v,01]deiner marter erloft haft. ¶ vnd fei d^r vat^t vō himel
reich gefegent. der dich auf|s erdreich z^v m^r fant.
Daz du menfchleich natur. an dich vō m^r nemft. vñ alle
die werlt löfet. ¶ Do ich diu wart z^v im f^prch. Do fchi=
ed er vō m^r. ¶ Da#nach chomen die poten zehant.
vñ mein fwefter. vñ M.^aMagd.^a vñ f^aiten m^r daz fi in
hieten gefehen. Do f^ait ich in ouch wie wunnechleich
ich in fach. vñ wie herleich ich in het gefehen. Do
heten fi ein grozze freud vō mein^t geficht. ¶ w^r
freuten vns nicht alain. Die funne die erlefchet waz.
di gewan nicht alain iren leichten fchein. Si wart
fich freunt. Daz man fei vroleich an dem auf#gange
fach f^pilen. ¶ Die erd die fich vō meines chindes tód

erfchutet het. Die freut fich. do mein chind auf fei
trat. auz dem grab. vñ erfchüt fich von recht' freud.
vñ gab di wider. die fi vō adams zeiten gevangen
het. vntz dar. Daz fi weren gewere gezeug. d' herlich=
en vrftende meines lieben chindes. ¶ Do waz mir
alles mein h' tzenlaid benomen. Nicht alain daz ich mein
chind wider het. Ich freut mich auch. daz alles mensch=
leich chunne erloft was. ¶ Dar#nach vb' viertzig
~~tag~~ iar Do daz alles gefchach. do chomen zwen h' ren von
Rome ainer hiez Týtus. Der ander Vefpefian'. Die
zeförtten Irīm. vñ viengen fo vil Iuden. Daz man ie
Dreizich Iuden. gab vmb ain phennich. Als fi mein chind
alle vmb dreizich phēnige heten gegeben. vñ rachē
da#mit meines chindes tōd vñ fein marter. vñ fw'
den Anhelm hört lefen. der hat grozzen lōn davon.
daz wizzet für#war. ¶ Sw' wiffen g' n welle wie grōzze
marter vnfer h' re vō himelreich er#liten hat. der les
daz pūch. Da mit ſprechet alle nach mir. AmeN. ¶
Daz pūch hat gemacht Latein vñ Deutze ein brüder
d' haift brüder. Fridreich. da pitt alle vmbe. vñ fw'
ez Schreibet oder haift ſchreiben od' lift da pitt ouch
alle gemainchleich vmbe... ¶